

# FFORWM MYNEDIAD LLEOL WRECSAM

## COFNODION WEDI'U CADARNHAU

o'r unfed cyfarfod ar hugain a gynhaliwyd yn Neuadd y Dref, Wreccsam ar 7 Gorffennaf 2006

### 31/06 PRESENOLDEB AC YMDDIHEURIADAU

Presenoldeb:

CADEIRYDD

Clive Menzies

YSGRIFENYDDDES

Emma Haldane

AELODAU

Sue Gittins

John Marchant

Gerald Moss

Margaret Murphy

Mabyn Pickering

Shelagh Roberts

Tim Stevens

Edward Wardle

ERAILL NAD YDYNT YN AELODAU

Martin Howorth

Alun Price (CCGC)

John Pugh

Pete Bland (Eitem 43/06)

Ymddiheuriadau: Ieuan Lewis, Tim Rosselli, Gwynfor Jones, Karl Praker, John Cooper-Poole, Mavis McBride, Mike Crawshaw

### 32/06 Materion yn codi o gofnodion cyfarfod 5 Mai 2006

Dosbarthwyd cofnodion drafft o gyfarfod 5 Mai 2006 i aelodau.

Gwnaethpwyd rhai newidiadau bach a chadarnhawyd y cofnodion ar 14 Mehefin 2006.

*(26/06) Ceisiadau cynllunio*

Nid oedd y Prif Swyddog Cynllunio wedi ymateb hyd yma.

**CAM GWEITHREDU:** Ysgrifenyddes i archwilio'r mater

*(27/06) Gorchmynion Addasu'r Map Swyddogol*

Derbyniwyd llythyr gan Brif Swyddog yr Amgylchedd. Nid oedd yr aelodau yn fodlon â'r ymateb.

**CAM GWEITHREDU:** Ysgrifenyddes i ysgrifennu at Brif Swyddog yr Amgylchedd yn gofyn pa gamau y mae'r Cyngor yn bwriadu eu cymryd i wella'r gwasanaeth.

*(39/05) Ymweliad ag Ystad Wynnstay*

Aeth aelodau i ymweld â'r ystad ar fore 7 Gorffennaf 2006.

Ar ran y Fforwm, diolchodd yr aelod Sue Gittins i'r ysgrifenyddes am drefnu'r daith faes ar gyfer yr aelodau.

**CAM GWEITHREDU:** Ysgrifenyddes i ysgrifennu at gapten Bell, o Ystad Wynnstay i fynegi gwerthfawrogiad y fforwm am yr amser a roddodd iddynt ar y diwrnod.

### **33/06 Adroddiad y Cadeirydd**

Ni chafwyd adroddiad ar yr achlysur hwn.

### **34/06 Adroddiad yr Ysgrifenyddes**

- Dosbarthwyd y 'Newyddlen Adloniant a Mynediad' ddiweddaraf i'r aelodau ar ddechrau'r cyfarfod.

### **35//06 Cynllun Gwella Hawliau Tramwy**

Cyflwynodd Martin Howorth, Rheolwr Cefn Gwlad a Hawliau Tramwy, ei adroddiad diweddaraf am gynnydd y Cynllun Gwella Hawliau Tramwy.

Adroddodd fod yr adroddiad asesu wedi'i gwblhau erbyn hyn a bod sylwadau'n cael eu cymryd am flaenoriaethau yn y cyfnod asesu.

Daw'r ymgynghoriad hwn i ben ar ddiwedd Awst a chaiff y sylwadau am y blaenoriaethau eu hasesu i weld a oes angen eu newid. Yna ym mis Medi, cyflwynir adroddiad i Banel Archwilio'r Cyngor i gael eu barn. Ar ôl dod i gytundeb, y cyfnod nesaf fydd y Cynllun Gweithredu.

Gofynnodd i aelodau sut yr hoffent fod yn gysylltiedig yng nghyfnod y Cynllun Gweithredu a pha fewnbwn yr hoffai'r fforwm ei roi.

Cytunodd Sue Gittins y dylai'r fforwm fod yn gysylltiedig naill ai i gyd neu fel rhan o is-bwyllgor.

Roedd Tim Stevens yn pryderu am adnoddau'r Cyngor. Teimlai'r Cadeirydd ei bod yn bwysig i'r fforwm ddefnyddio'r cyfle hwn i roi mewnbwn pellach yn y cyfnod hwn a dylanwadu ar gyfanswm yr adnoddau a fyddai'n mynd i mewn iddo.

Nododd Martin Howorth mai dyma'r tro cyntaf i'r Cyngor gael dogfen strategol yn Wrecsam ar gyfer HT a byddai mewnbwn y fforwm yn cael ei werthfawrogi. Awgrymodd y dylid trefnu cyfarfod ar ddechrau mis Medi i drafod camau nesaf y cynllun gweithredu.

Teimlai Tim Stevens y dylid ymgynghori ag ymwelwyr yr ardal.

Canmolodd y Cadeirydd gyflwyniad y ddogfen a gynhyrchwyd.

### **36/06 Adroddiad gan Geidwaid Mynediad**

Cyflwynodd John Marchant adroddiad wedi'i baratoi gan y Ceidwaid Mynediad, Sion Roberts ac Alison Whitley, am waith a gwblhawyd yn y sir dros y misoedd diwethaf.

- Adroddodd Sion nad oedd unrhyw broblemau wedi bod â cherddwyr mewn perthynas â Mynediad Agored ac ni dderbyniwyd unrhyw geisiadau am gyfyngiadau neu waharddiadau.
- Cwblhawyd gwaith torri gwair ar oddeutu 60 o lwybrau troed a llwybrau ceffyl yn ddiweddar ledled y sir. Caiff y llwybrau eu torri eto ym mis Awst fel rhan o'r rhaglen torri gwair flynyddol.
- Cafwyd nifer yn bresennol ar daith gerdded Dyffryn Ceiriog a gynhaliwyd ddydd Sul, 11 Mehefin. Bydd Sion yn arwain taith gerdded arall o amgylch Melin y Nant a Bronwylfa ym mis Hydref. Ceir manylion yng nghanllaw Digwyddiadau Gwasanaeth Parciau, Cefn Gwlad a Hawliau Tramwy Cyhoeddus Wrecsam.
- Ar hyn o bryd, mae Sion yn gweithio ar faterion cynnal a chadw ac ynghyd â Dave ac Alison, mae'n paratoi rhestr o 50 o arwyddbyst i'w codi ar lwybrau amrywiol yn y sir yn ystod yr hydref a'r gaeaf.

- Roedd Alison wedi bod yng nghyfarfodydd Cyngorau Cymunedol Brymbo a Bangor Is-coed i drafod prosiectau llwybrau troed yn yr ardaloedd hyn. Roedd Brymbo yn awyddus i'w cynnal ond roedd Bangor Is-coed ychydig yn betrusgar. Mae Bwlchgwyn eisoes wedi cynhyrchu arolwg a rhestr o faterion cynnal a chadw. Mae hwn wedi'i oedi nes bo gweddill Cymuned Brymbo wedi cwblhau ei arolwg.
- Aethpwyd i fore coffi treftadaeth yng Nghefn Mawr i drafod prosiect llwybr troed yn yr ardal ar y cyd â'r llwybr treftadaeth a'r cyswllt trefol. Ni chafwyd unrhyw atborth hyd yma.
- Mae Alison wedi bod yn canolbwyntio ar faterion cynyddio o amgylch y sir gan roi blaenoriaeth i lwybrau a hyrwyddir ac ardaloedd prosiectau llwybrau troed. Mae nifer o dirfeddianwyr eisoes wedi cael llythyrau ynglŷn â chlirio cynydau ar draws llwybrau troed ac roedd un rhybudd wedi'i anfon.
- Mae Alison wedi cysylltu â gwasanaethau Groundwork ynghylch y gwaith gwella ar Lwybr Cerdded y We 6 (Rhos) llwybr cerdded cylchol ac mae Hawliau Tramwy yn gobeithio y bydd 'Y Daith Gerdded Fawr' a fydd yn 8, 12 neu 15 milltir o amgylch Y Mwynglawdd, Esclusham a Mynydd Rhiwabon ar waith yn ystod y misoedd nesaf.
- Roedd pob un o'r tri cheidwad yn gysylltiedig ag Wythnos Gerdded Wrecsam ym mis Mai.
- Mae grŵp o'r Waun wedi holi ynghylch 'diwrnod tasgau' yn Nyffryn Ceiriog ym mis Medi, a fydd yn cynnwys preswylwyr lleol a staff Cadbury. Nid yw'r manylion wedi'u cadarnhau hyd yma.
- Mae Alison wedi cysylltu â'r Gwasanaeth Prawf i ddarparu tasg ar gyfer grŵp Gwasanaeth Cymunedol i'w gyflawni bob dydd Sul. Roedd y dasg yn cynnwys torri llystyfiant ar lwybr ceffyl Y Bers. Rhoddir tasg newydd ym mis Medi/Hydref.

Mewn ymateb i gwestiwn Edward Wardle am p'un a oedd y Cyngor yn rhoi gwaith di-dâl i bobl ar orchmynion cymunedol, dywedodd John Marchant fod hwn yn gyfnod arbrolfol ar gyfer gwaith prosiect clirio sylfaenol. Esboniodd fod y cynnydd yn tueddu i fod yn araf ond bod budd i'w weld.

Dywedodd Martin Howorth fod y math hwn o help yn cael ei ddefnyddio yn y parciau gwledig hefyd a'i fod wedi bod yn llwyddiannus iawn. Holodd Tim Stevens a ddarparwyd yswiriant ar gyfer y gweithwyr. Esboniodd Martin Howorth fod gan y gweithwyr eu hyswiriant eu hunain.

Gofynnodd Mabyn Pickering pa fath o yswiriant oedd yn cael ei ddarparu ac o le'r oedd yn dod. Credai Edward Wardle ei fod yn cael ei ddarparu gan y Gwasanaeth Prawf, ond byddai'n gwneud ymholiadau ei hun.

**CYTUNWYD: Roedd yr aelodau am gael eglurhad o'r sicrwydd yswiriant.**  
**CAM GWEITHREDU: Ysgrifennydd i ysgrifennu at Brif Swyddog yr Amgylchedd am eglurhad.**

Gofynnodd y Cadeirydd p'un a oedd codi arwyddion i nodi pen taith y llwybrau troed yn bolisi gan y Cyngor bellach. Nododd John Marchant y cytunwyd y dylid gosod yr arwyddion hyn yn yr Adolygiad Gwerth Gorau yn 2002, er hynny dywedodd fod y gwaith yn cymryd llawer o amser.

Gofynnodd y Cadeirydd am ddiolch i'r Ceidwaid Mynediad am eu holl waith caled.

### **37/06 Cyngor Cefn Gwlad Cymru**

Dywedodd Alun Price o CCGC mai 'Mynediad Arfordirol' oedd y brif eitem mewn cyfarfodydd fforwm eraill bellach.

Gofynnodd y Cadeirydd p'un a oedd Mynediad Arfordirol yn cael ei ymestyn i ddyfrffyrdd a llynnoedd mewndirol. Cadarnhaodd Alun Price fod y Cynulliad yn edrych ar wella mynediad arfordirol yn unig ar hyn o bryd.

Derbyniwyd 'Asesiad Ffyrdd Wrecsam' a byddai sylwadau'n cael eu rhoi faes o law ar ôl derbyn asesiadau o siroedd cyfagos.

Adroddodd na chafwyd unrhyw waharddiadau na chyfyngiadau mewn perthynas â Mynediad Agored.

Cyfeiriodd Sue Gittins at y cyhoeddiad 'Rheoli Mynediad Cyhoeddus' a gofynnodd a fyddai modd darparu copi i'r aelodau. Cadarnhaodd Alun Price y byddai copïau'n cael eu rhoi i'r aelodau ar gais.

### **38/06 Materion cyllidebol**

Roedd Sue Gittins am i'r fforwm gael mynediad at gynlluniau cyllidebol er mwyn gweld faint o arian oedd yn cael ei ddyrannu i HT, costau staff a gwaith tir.

Cadarnhaodd Martin Howorth fod £69,432 wedi'i ddyrannu ar gyfer cynnal a chadw yn y flwyddyn bresennol a £184,971 ar gostau staff.

Fel pwyllgor statudol yr awdurdod, credai Sue Gittins y dylai'r fforwm gael rhywfaint o ddweud ar sut y dyrennir arian. Dywedodd Martin Howorth fod croeso i'r fforwm fynegi eu pryderon i'r awdurdod a bod y broses gyllidebol ar fin dechrau ar gyfer y flwyddyn nesaf. Nododd fod y Cynghorwyr yn gwneud penderfyniad terfynol ynghylch lle y dyrennir yr arian. Credai'r Cadeirydd y gallai fod yn ddefnyddiol gwahodd y Prif Weithredwr ac Arweinydd y Cyngor i'r cyfarfod nesaf i gael trafodaeth am faterion cyllidebol sy'n effeithio ar y maes pwysig hwn a'u galluogi i esbonio'r pwysau a'r ystyriaethau sydd ganddynt i'w cydbwysu. Byddai hyn yn rhoi cyfle i'r fforwm roi atborth iddynt am eu pryderon.

**CYTUNWYD: Gwahodd y Prif Weithredwr ac Arweinydd y Cyngor i'r cyfarfod nesaf.**

**CAM GWEITHREDU: Ysgrifenyddes i wahodd**

### **39/06 Hyfforddiant i Aelodau**

Roedd y Cadeirydd yn pryderu nad oedd aelodau newydd yn cael hyfforddiant am wybodaeth sylfaenol i'w helpu i ymdrin â'r jargon a siaredir mewn cyfarfodydd y fforwm. Gofynnodd i aelodau a oeddent yn teimlo y byddai o fantais iddynt gael hyfforddiant ymsefydlu, yn esbonio prif egwyddorion cyfraith llwybrau troed a sut mae'r fforwm yn gweithio, yn fanteisiol iddynt.

Awgrymodd Sue Gittins y gallai pecyn i aelodau fod yn ddefnyddiol ond cytunodd hefyd y byddai hyfforddiant wyneb yn wyneb yn nodi cyfrifoldebau'r fforwm o ddi-ddordeb.

Cadarnhaodd Alun Price nad oedd CCGC yn trefnu unrhyw hyfforddiant ymsefydlu a theimlai y dylai fforymau fod yn hyfforddi eu hunain.

Teimlai Tim Stevens fod fforymau'n rhy fach i hyfforddi eu hunain ac awgrymodd y dylai FfMLIW gysylltu â fforymau eraill yn yr ardal i edrych ar y posibilrwydd o sefydlu sesiynau hyfforddi rhyngddynt.

Awgrymodd John Marchant y dylid cysylltu â Sir y Fflint a Sir Ddinbych i ddechrau. Cytunodd yr aelodau.

**CAM GWEITHREDU:** Ysgrifenyddes i ysgrifennu at FfMC i gael gwybodaeth bellach am hyfforddiant.

**CAM GWEITHREDU:** Ysgrifenyddes i gysylltu â Sir y Fflint a Sir Ddinbych.

#### 40/06 Cydbwysedd y Fforwm

Gofynnwyd i aelodau a oeddent yn hapus â chydbwysedd presennol y fforwm.

Teimlai'r Cadeirydd fod diffyg arbenigedd yn y maes beicio, ond teimlai fod y cydbwysedd presennol yn iawn.

Datganodd John Marchant fod y Cyngor yn hapus â'r cydbwysedd presennol, ond byddai hyn yn cael ei fonitro a'i addasu yn y dyfodol pe bai angen.

Teimlai Tim Stevens nad oedd ieuencid yn cael llais ar hyn o bryd.

Cytunodd yr aelodau y dylai pobl ifanc gael llais mewn prosesau yn y dyfodol.

**CAM GWEITHREDU:** Ysgrifenyddes i ysgrifennu at Bennaeth Cynhwysiad Pobl Ifanc y Cyngor er mwyn trefnu cyfarfod â phobl ifanc yn y dyfodol.

#### 41/06 Aseidiadau Mynediad i'r Anabl yn y Rhwydwaith HTC

Gofynnodd y Cadeirydd beth oedd polisi'r Cyngor mewn perthynas â mynediad i'r anabl a sicrhau bod eu hanghenion yn cael ei diwallu. Datganodd John Marchant fod y cyngor yn cyfrannu tuag at ddarparu mynediad rhwyddach i'r anabl a derbyniodd grant hefyd gan CCGC. Esboniodd y byddai'r Cyngor yn edrych ar y posibilrwydd o ddarparu hyn ar eu cyfer pe bai digon o le ar gael i roi mynediad i gadeiriau olwyn. Roedd y Cyngor yn cadw at y polisi 'Blwch - Giât - Camfa' lle bynnag y bo hynny'n bosibl. Mae giatiau mochyn yn costio mwy i'w gosod na chamfeydd ond rhoddir ystyriaeth i le mae llwybrau mewn perthynas ag aneddiadau ac mae'r cyngor yn gweithredu'n unol â hynny.

Awgrymodd Tim Stevens y gellid cynnwys yr eitem yn hyfforddiant y fforwm i gael ymdeimlad o'r pethau eraill sy'n effeithio ar bobl anabl yng nghefn gwlad a chael barn. Byddai'n well gan bobl weld ychydig o ddarpariaeth na dim o gwbl, yn hytrach na cheisio gwneud popeth ar unwaith.

Awgrymodd y Cadeirydd y dylai'r fforwm fonitro mynediad i'r anabl ac edrych ar yr eitem eto mewn 12 mis.

#### 42/06 Parcio mewn cilfannau

Teimlai Tim Stevens fod prinder cilfannau yng nghefn gwlad. Credai'r Cadeirydd fod rhywfaint o bryderon ynghylch parcio mewn mannau pasio yn Nyffryn Ceiriog. Roedd gan Shelagh Roberts a Gerald Moss bryderon hefyd.

Gan nad oedd Mike Crawshaw yn bresennol yn y cyfarfod a'i fod wedi gofyn am roi'r eitem ar yr agenda, cytunodd aelodau y dylid trafod yr eitem yn y cyfarfod nesaf.

#### 43/06 Unrhyw faterion eraill

- **Cerbydau modur yng nghefn gwlad**

Gofynnodd Tim Stevens i aelodau edrych ar y Ddeddf Amgylchedd Naturiol a Chymunedau Gwledig 2006 (NERC) a gofynnodd i aelodau a oeddent yn dymuno trafod y mater yn fwy manwl fel eitem i'r roi ar agenda'r dyfodol, gan ei fod yn ddarn eithaf hir. Pan fabwysiedir y Ddeddf yng Nghymru,

argymhellodd ef y dylai'r awdurdod gymryd copi o'r map swyddogol a chopi o'r rhestr strydoedd a'u cadw'n ddiogel er mwyn cyfeirio ato'n ddiweddarach. Gofynnodd Tim Stevens i'r awdurdod sicrhau bod rhestr o strydoedd ar gael i'r cyhoedd ar gais. Cadarnhaodd Pete Bland, Swyddog Hawliau Tramwy Cynorthwyol, bod rhestr o strydoedd yn cael ei gadw yn Adeiladau'r Goron a'i fod ar gael i'r cyhoedd edrych arno yn ôl yr angen.

- **Cau Lonydd Arbennig i atal Troseddu ac Ymddygiad Gwrthgymdeithasol – Papur Ymgynghori.**

Cyfeiriodd Pete Bland yr aelodau at ddogfen ymgynghori Gorchymyn Cau Lonydd gan y Cynulliad a bod angen ymatebion erbyn 31 Awst 2006. Nododd y byddai'r Awdurdod yn ymateb ei hunan, ond awgrymodd efallai y dymunai'r fforwm gyflwyno ymateb ei hunan. Esboniodd fod cau lonydd yn fwy o broblem drefol ac nid yw'n broblem gyffredin ar lwybrau cefn gwlad. Esboniodd fod y ddeddfwriaeth yn gadael i'r gyfraith gael ei defnyddio ar unrhyw ffyrdd bach, cyn belled nad yw'n briffordd ddisbarthedig neu draffordd, a chadarnhaodd bod y broses gyfan dan reolaeth yr awdurdod lleol ac nad oedd unrhyw ofyn i fynd i'r llys.

Gofynnodd Margaret Murphy p'un a oedd hyn yn golygu cau lonydd yn llythrennol, trwy roi giât ar bob pen? Esboniodd Pete Bland y byddai'n bosibl gosod giatiau ar lôn gan roi allweddi i'r preswylwyr gael mynediad. Un o'r problemau a nodwyd oedd cynnal a chadw a thrwsio'r giatiau.

Gofynnodd Tim Stevens a oedd modd rhoi arwyddion ar giatiau awdurdodedig i atal dryswch. Cytunodd Mabyn Pickering. Mewn ymateb, datganodd Pete Bland nad oes unrhyw beth mewn rheoliadau Saesneg yn gofyn i'r briffordd gaeddig gael ei harwyddo. Roedd Sue Gittins yn pryderu a fyddai'r gwasanaethau brys yn gwybod lle i gael allweddi i'r lonydd mewn achosion o dân. Cytunodd Pete Bland y gallai hon fod yn broblem y byddai angen ei hegluro. Gofynnodd y Cadeirydd a oedd yr aelodau am ymateb fel fforwm neu fel unigolion.

**Cytunodd yr ysgrifenyddes i goladu ymatebion i'w cyflwyno cyn belled â'u bod yn cael eu derbyn erbyn 31 Awst 2006.**

#### **44/06 Eitemau ar gyfer yr agenda nesaf**

- Parcio mewn cilfannau
- Cŵn yng nghefn gwlad

#### **45/06 Dyddiad a lleoliad y cyfarfod nesaf**

Dydd Gwener, 8 Medi 2006 am 1,30pm yn Ystafell Bwyllgor 3, Neuadd y Dref.

Daeth y cyfarfod i ben am 4.20pm